



Universitätsbibliothek Paderborn

Liber De Prudentia Ivstorvm

Juan <de Jesús María>

Coloniae Agrippinae, MDCXIV

Cap. XV. Hortatur ad quærendum magistrum vitae spiritualis.

[urn:nbn:de:hbz:466:1-46940](#)

mini in absconditos sensus spiritus
mei, qui scrutatur profunda Dei: & e-
grediemini pinguiores, quam antea, à
pascuis dulcissimæ sapientiæ; quam è
puteo alto mei cordis haurietis.

CAP. XV.

*Hortatur ad quærendum magi-
strum vitæ spiritualis.*

NE ianitamini prudentiæ vestræ
filij, quamuis multa didiceritis:
Sed imitamini sponsam meam innix-
am super dilectum suum. Multos sedu-
xit nimia æstimatio sui, ita ut altum
saperent, nec dignarentur senum, &
expertorum iudicium sequi. Iusti ve-
rò, & mites corde nihil sibi fidentes,
multa sollicitudine quærunt magi-
stros, non prurientes auribus, sed qui
vel corripiant, & increpant in miseri-
cordia, vel instruant in spiritu lenita-
tis, iuxta regulas absconditæ sapientiæ
meæ, quam omnes de se præsumentes
ignorant. Propter hoc filij, qui erratis
ab utero, ne placeatis vobis ipsis, in ea
scientia, quam in scholis fortasse com-
parastis: sed statim, ac mihi seruire in-
cipitis.

cipitis, existimate vos indigere, ut
doceamini, quæ sint prima elementa
exordij sermonum Dei: & in hac sen-
tētia perseuerate. Opinētur alij, quod
volent, & se sapientes esse confidant:
Vos autem propriæ cognitioni stu-
dentes recordamini patris vestri pri-
mi Adam, qui cùm in honore esset, non
intellexit, & ad secundum Adam, qui
est Dei virtus, & sapientia, humiliter
recurrere. Et ego per seruos meos, quos
illuminavi splendore sapientiæ meæ,
docebo vos viam prudentiæ, ut super
omnes mundi doctores intelligatis.
Ostēdam vobis, ubi cubem in meridie:
ne vagemini post greges sodaliū meo-
rum, qui personam meam fingunt, sed
non mores meos repræsentant. Dedu-
cā vos per vias rectas, & à longè osten-
dā vobis regnum Altissimi Patris mei:
ut sciatis à viæ principio, quo dirigēda
sint primogenita desideria vestra. Non
relinquā hominē nocere vobis, sub sa-
lutari umbra alarum mearum, per de-
sertū vitæ mortalis, ambulantibus: &
ero vobis me ductorem sequentibus, si-
cūt Aquila prouocans ad volandum
pullos

pullos suos, & super eos volitans. Hęc est lex fidelitatis meae, vt nunquam defseram humiles corde, qui voluntatem meam de seruorum meorū ore requirunt: & eo ipso, quod sibi diffidentes alieno iudicio subduntur, facilius, & breuius eos ad perfectionem christianam inestimabili lucro, & intima cōsolatione perducam. Hanc igitur instructionem meam filij, studiosissimè arripite, & suauissimæ disciplinæ meæ honestatem, & securitatem amate.

CAP XVI.

*Ostendit discriminē vitæ Iustorum,
& impiorum.*

EGO quos amo, castigo, & tanquam aurum in fornace tribulationis probbo. Vasa enim electionis sunt, que igne examinantur. Respicite seruos meos, quibus dedi p̄tum in lachrymis in mensura, & videbitis illos nouissimos tanquam morti destinatos, è quibus alij ludibria, & verbera experti, alij vincula, & carceres passi, alij per medium secti, & in occisione